

VENENI, SUBFOSI, FUŝI, SABOTI, ROMPI, HAKI. ~o. Malbona stato de io, kio estas ~ita; manko, malperfektaĵo: *en ĉiu objekto troviĝas ~o Z* (Vd FLANKO 2); *~oj de domo kaduka Z*; *la forigo de akuzativo estus granda ~o por la fleksebleco, riĉeco k precizeco de la lingvo Z*; *fari ~on al iu Z*; *ŝi ŝalis sed ŝaris al si nenian ~on Z*; *lia karaktero havas grandan ~on* (Kp AVERIO, VUNDO, KRIPLAJO, MAKULO, BATO, ROMPO, ĈIBO). ~igi: *mia pluvombrelo ~igis de vento*; *nenie rompiĝas aŭ ~igas la kontinueco inter la lingvo malnova k nova Z*. ~igema. Delikata 3. Sen~a. Ne~ita (Kp TAŬGA, NETUŜITA, BON(STAT)A, VIRGA).

* **Diferenci** (ntr). Esti malsama: *~i de, je iu, per, pri, pro io*; *ili forte ~as inter si per la saĝo Z*; *ĉiuj tiuj projektoj abisme ~as de Esp-o*. Kp DEKLINIĜI, VARIĜI, KONTRASTI, DISTINGIĜI, DEVIĜI, DIVERĜI. Vd MARO, FENDO, ABISMO. ~o. Malsameco: *oni devas fari ~on inter ambaŭ okazoj Z*; *malgrava estas la ~o inter profitemo k profitemeco*. Kp DISTANCO, NUANCO, MALKONSENTO. ~a. Malsama: *li estas tre ~a je (de, ol) sia frato*. Kp DIVERSA, ALIA, MALPROKSIMA, FREMDA, ANTIPODA. ~igi. 1 Igi malsama. 2 Distingi, malkonfuzi: *~igi la verbojn laŭ transliveco k netransliveco*; *~igi la juston de la maljusto*.

diferenci (tr) Δ. Kalkuli la ~alon de funkcio.

diferenci Δ. Infinitesima elemento de la variado de funkcio. Vd INTEGRI.

* **Difini** (tr). 1 Precize mallonge klarigi la signifon de iu vorto: *la sufikso um ne havas ~itan sencon*; *la adjektivo ~as la substantivon k la adverbo ~as la verbon*. 2 Precize mallonge konigi la karakterizajn ecojn de io: *havi ~itan formon*; *ni iras al celo klare ~ita k nepre atingota Z*. 3 Precize k daŭre antaŭfiksi iun aferon por aparta celo: *~i salajron, premion, rendevuon*; *en la ~ita tempo B*; *oni ne devas ~i severajn regulojn por tiuj delatoj Z*; *~i komitaton por esplori aferojn*; *niaj infanjaroj ofte ~as nian estontan vivon*. Kp DETERMINI, DESTINI, FIKSI, ASIGNI, ATRIBUI. ~a artikolo (G). Artikolo montranta, ke iu vorto jam renkontiĝis en la antaŭa teksto aŭ estas

sufiĉe konita de la (aŭdanto aŭ) leganto. Sen~a modo (G). Infinitivo.

difrakto □. Fleksebleco, deviigo de la lumaj radioj, kiam ili renkontas maldifanajn korpojn.

Difterito. Infekta gorĝa malsano karakterizata per formiĝo de falsaj membranoj sur la muka haŭto, kiuj alĝiigante al la spiraj kanaloj malhelpas la spiradon; krupo.

Diftongo (Fon). Kombino de du malsamaj vokaloj, unusilabe prononcataj, kies unu estas sonanta k la alia konsonanta: aŭ, eŭ, aj, ej, oj, uj.

difuzi Z (ntr) □ ☞. Ĉiudirekten disvastiĝi. ~o. Fenomeno en kiu gaso, lumo, varmo disiĝas al ĉiuj direktoj.

* **Digo**. Remparo starigita por ŝirmi lokon kontraŭ inundo de rivero aŭ maro: (f) *ilia sango estas tro bolanta, rompanta ofte ~on de prudento Z*. ~1 Z, en~igi (tr). 1 Bari per ~o. 2 (f) Malakceli, haltigi. Kp KONTRAŬSTARI, MALHELPI, BRIDI, MODERIGI.

* **Digesti** (tr). Igi nutraĵon asimilebla, solvante ĝin per specialaj sukoj, kiujn stomako k intestoj sekrecias. ~iga. Faciliganta la ~on.

digitalo Z ☞. G. de skrofuliacoj. Tre venena planto, kies floroj similas formon de gantofingro, uzata en medicino por malrapidigi la korbatojn (*digitalis*).

digitalino ☞ C⁵⁵H⁵⁸O¹⁴. Venena alkaloido de la digitalo.

Digno. 1 Respekto, kiun oni meritas per sia konduto: *la ~o de lia vivo akiris al li ĉies estimon*; *havi la senton de sia ~o Z*; *mi trovas al vi situacion indan je via ~o*. 2 Konscio pri la respekto, kiun oni meritas, memrespekto: *eksplozo de virina fiereco k de homa ~o Z*; *kun ~oplena teniĝo Z*; *mia ~o devigis min forlasi la prezidantan postenon*. ~a. 1 Meritanta la respekton: *~a socia pozicio Z*. 2 Konscia, ke oni meritas la respekton.

* **Dika**. Granda laŭ la tria dimensio, kiu estas nek larĝeco, nek longeco: *~a homo, libro, krajono, ŝnuro, mantelo, ventro*; *mal~a folio*; *~aj gutoj de ŝvito Z*; *la ~eco de tiu tabulo estas ducentimetra*; (f) *mal~a voĉo*; *~e skribita Z*; *greno ~e muelita*; *kie mal~e, tie rompiĝas Z*;